

Grad Novi Pazar
Skupština grada
Odbornička grupa SDA Sandžaka
Novi Pazar
15. jun 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PODNOŠENJU IZVJEŠTAJA O STANJU KOMUNALNE INFRASTRUKTURE I STARANJU O KOMUNALNIM DJELATNOSTIMA NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 16. juna 2023. godine.

Predsjednik odborničke grupe
mr. Ahmedin Škrijelj

PRIJEDLOG

Na osnovu člana 3. stav 1. tačka 2) Zakona o komunalnim delatnostima („Službeni glasnik RS“, broj 88/2011, 104/2016 i 95/2018), člana 20. stav 1. tačka 2) i 8), člana 32. stav 1, tačka 8) i 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 2), 22) i 38), člana 46. stav 1. tačka 22) i člana 147. Statuta grada Novog Pazara („Službeni list grada Novog Pazara“, broj 6/19), člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 16. juna 2023. godine donosi

O D L U K U

o podnošenju Izveštaja o stanju komunalne infrastrukture i staranju o komunalnim djelatnostima na teritoriji grada Novog Pazara

Član 1.

Obavezuju se članovi Gradskog vijeća zaduženi za infrastrukturu i građevinu, koordinaciju rada javnih preduzeća, lokalni ekonomski razvoj i upravljanje projektima i pomoćnik gradonačelnika zadužen za koordinaciju rada javnih preduzeća i direktori odgovarajućih javnih preduzeća da, u roku od 30 dana od stupanja na snagu ove odluke, Skupštini grada podnesu izvještaj o:

1. stanju atmosferske i fekalne kanalizacije na teritoriji grada Novog Pazara;
2. broju i nazivima ulica u kojima su izgrađene instalacije atmosferske (kišna) i fekalne kanalizacije sa godinom asfaltiranja i izgradnje kišne i fekalne kanalizacije;
3. broju i nazivima ulica u kojima nisu izgrađene instalacije atmosferska (kišna) i fekalna kanalizacija sa akcentom na asfaltirane ulice;
4. stanju slivnika i slivničkih veza i razlozima nemogućnosti da prihvate cjelokupnu količinu padavina što uzrokuje izlivanje;
5. o intervalima čišćenja atmosferske kanalizacije na teritoriji grada Novog Pazara;
6. razlozima spajanja kišne i fekalne kanalizacije što pri velikoj količini padavina uzrokuje prelivanje fekalija u kišnu kanalizaciju;
7. čišćenju i završavanju kišne i fekalne kanalizacije u dijelu jaza ispod stare Ciglane;

Član 2.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, 16. juna 2023. godine

PREDSJEDNIK

Dr. Anela Šemsović

O B R A Z L O Ź E N J E:

Pravni osnov:

Pravni osnov za donošenje ove odluke sadržan je u:

- članu 3. stav 1. tačka 2) Zakona o komunalnim delatnostima;
- članu 20. stav 1. tačka 2) i 8), i članu 32. stav 1, tačka 8) i 20) Zakona o lokalnoj samoupravi;
- članu 15. stav 1. tačka 2), 22) i 38), članu 46. stav 1. tačka 76) i članu 147. Statuta grada Novog Pazara;
- članu 137. Poslovnika Skupštine grada Novog Pazara.

Razlozi za donošenje odluke:

Razlozi za donošenje ove odluke sadržani su u činjenici da prilikom atmosferskih padavina dolazi do izlivanja kišne a često i fekalne kanalizacije što za posledicu ima plavljenje dijelova naseljenih mjesta i domaćinstava usled čega nastaje i materijalna šteta po imovinu građana. Shodno tome neophodno je da izabrana i postavljena lica koja u organima grada zadužena za poslove infrastrukture i građevine, koordinaciju rada javnih preduzeća, lokalni ekonomski razvoj i upravljanje projektima kao i direktori odgovarajućih javnih preduzeća podnesu izvještaj o stanju komunalne infrastrukture i staranju o komunalnim djelatnostima na teritoriji grada Novog Pazara na način kako je to utvrđeno ovim prijedlogom odluke. Imajući u vidu da stanje u ovoj oblasti predstavlja konstantnu opasnost po imovinu i zdravlje građana neophodno je da predstavnici izvršnih organa grada podnesu detaljan izvještaj o aktivnostima na izgradnji i kvalitetnom održavanju komunalne infrastrukture. Značaja donošenja ove odluke ogleda se u tome jer je neophodno na bazi činjenica izvršiti procjenu da li predstavnici gradske vlasti na kvalitetan i zakonom propisan način vode računa o interesima građana u Novom Pazaru i da li se istinski staraju u uslovima u kojima živi stanovništvo u Novom Pazaru. Uslovi življenja u velikoj mjeri uslovljeni su stanjem u oblasti komunalne infrastrukture i kvalitetom staranja gradskih vlasti o komunalnim djelatnostima. Stanje u Novom Pazaru u oblasti komunalnih djelatnosti je više nego alarmantno, čemu svjedoči i izlivanje kanalizacije prilikom poslednjih padavina, te je shodno tome od izuzetnog značaja da gradske vlasti podnesu detaljan izvještaj o realnom stanju komunalne infrastrukture i mjerama koje Grad Novi Pazar preduzima na njihovom održavanju i funkcionalnosti. Pored navedenog donošenje ove odluke predstavlja

imperativ koji će dati pravu sliku uspješnosti trenutne strukture lokalne vlasti o obezbjeđivanju minimuma uslova za nesmetan život i rad stanovništva i njihove sposobnosti da zadovolje osnovne potrebe građana te da na zakonit i kvalitetan način u ime građana upravljaju javnim poslovima od opšteg značaja.

Objašnjenje pojedinih rješenja propisanih ovom odlukom:

Član 1: Utvrđen je predmet odluke odnosno obaveza podnošenja izvještaja o stanju komunalne infrastrukture i stanju o kumunalnim djelatnostima, kao i struktura tog izvještaja.

Član 2: Propisana je obaveza objavljivanja u „Službenom listu grada Novog Pazara“.

Finansijska sredstva za realizaciju ove odluke nisu potrebna

